

# Itagué Dosape, Ayoré

Oriana de Alencar Villarroel

It Iguataa rupi, Itagué Dosape ovaë metei garabatá tuichaguasu vae. Ñanape oike yave, mimba reta omoïruñui jare oguatase yïi iyike rupi. Omboipi oyoo oeki vaerä garabatá guiraja vaerä jëta koti. Tatu reta ipiatiti reve jare tami reta iyimbai reve ombori reta oyoo ivi dajudie iyike rupi. Ereï katu, oyoetema guiraja reta yave, oyembotuicha ojo ivira jare japo kipe. Oñeäka kari reve jei, kereï yavepa avaë koraï tuicha mbate vae. Joki reta oipititako mbovi mbokò peguarä. Inimbo amoeiñitako pakio ndive aniramo ajunao ipire ndive jare japo iyu vae ndive. Jae oikuama omoñei inimbo jare oipoka ipire, añave oyemboe oiko oipöva vaerä mbokó. Kuñatai etema oiko.

Kuri, tuicha katuma yave, ani vaeräma “ñanaigua”, karai reta jei rami chupe, Tüpao jökepe oecha reta ipoi omaemee oï yave. Oimetako guinoi jëta karai rëtape, okaru kavitako jare jokape oimeta guinoi jeta temiti reta imimba reta peguarä.



Metei ara, mopeti mbia oeni “tëtaike pegua” añete seri oiti oeya itakarära ndive yave. Oendu etei ipiape jokuae ñee pochi vae, yepetei oikuaä mbaeko oipota jei vae. Jokuae ara pochiyeye, pochiague vae, opa oyoka guandaka pire omopöra oiko vae. Jokuae ñee “tëtaike pegua” oipotaä oë iñäkagui. Pochi ete reve osapukai chupe jokuae mbia, ipuereko ñee pichi vae, jae iñee omoese yaimba retape pochi oiko yave, jae reta iñäkatindi jare oñomi-ñomi iñapua paravete reta. Imaendua ñavo jokuae mbiare, oipotaecha oikutu ñana yuu ndive.

Ojoma karu opa oyoo garaba japo yave. Ombosagiu oekpigüe vae gupiraja vaerä jëta koti. Tatu reta oyerovia iyike rupi omoïru, jokoraiñovi tami reta jivätama okaruague reta. Jokoraiñovi, guiraja omonoague jokuae ara vae: guira reta jaa ipara vae, ivirarapo jare temiti oiti ojo tape rupi vae kuri jeñi vaerä jare tuichaguasurä.

Tëta koti ojo oiko yave, oñoavë iru michia reta ndive opindapo oï iäpe vae, kuti katumi kuña reta ombapo oï jare oaiña mbae iä reta jëtape oime vae utebetaipe jare peyépe; mbia reta oyerovia reve oyupavo, omoaimbe uiu oï ojo vaerä uguata. Jae mbaeti yepe “tëtaike pegua”, yepetei mbae ndipo oipota jei vae. Jae reta ñandeva ete yepe, ayoré yepe.

Traducción: Elías Caurey Caurey

